



Inatsisartunut ilaasortaq
Hans Enoksen
Partii Naleraq
/Maani

§ 37 naapertorlugu apeqqutitut akissutit - 198/2020 borgmesterit tullersortaasa akissarsiaanut tunngasoq

Asasara Hans Enoksen,

Inatsisartut suleriaasianni § 37 naapertorlugu Borgmesterit tullersortaannut tullersortaasullu aappaannut akissarsiaat pillugit apeqquteqarsimavutit. Apeqqutigisatit uannit akissarsianngortinneqarsimapput, imatullu akissuteqassaanga.

02-12-2020
Suliap nr.: 2020-8162
All. nr: 13713575

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Apeqqutit:

1. Ilumut 1. aamma 2. Viceborgmester-it piffissamut atuuffigisaminnut akissarsiaqartinneqartarnerat aatsaat minnerpaamik ullunik 15-inik ataannartumik atuussimanissaat piumasaqaataavaa ? Imaluunniit,

2. viceborgmester-i assersuutigalugu ulluni tallimani borgmesterip pisinnaangiffiani atuussimaguni akissarsiaqartinneqarsinnaavaa ?

Akissut:

Apeqqut 1-imut: Nunaqarfinni siulersuisunut ilaasortat akissarsiaqartinneqartarnerat Borgmesterinik borgmesterillu tulliini kiisalu kommunalbestyrelsinut nunaqarfinnilu aqutsisunut ilaasortanik aamma najukkani ataatsimiititaliat ilaasortaannut il.il. akissarsiaqartitsineq pillugu Namminersorlutik Oqartussat nalunaarutaanni nr. 25, 30. december 2013-imeersoq innersuunneqarpoq.

§ 3, imm. 2-mi ima allaqqavoq:

"Borgmesterip tullia imm. 1 naapertorlugu aalajangersimasumik akissarsiaqanngitsoq piffissami borgmesteritut atuuffigisamini taamatut akissarsiaqassaaq."

Atuarneqarsinnaasutut borgmesterip tullersortaa "piffissami borgmesteritut atuuffigisamini taamatut akissarsiaqassaaq." Aalajangersakkami tassani allaqanngilaq aatsaat akissarsiaqartitsisoqarsinnaasoq ulluni 15-ini ingerlaannartuni taartaasimagaanni.

Apeqqummut 2-mut: Aap, borgmesterip tullersortaa borgmesteritut assersuutigalugu ulluni tallimani sulisimaguni akissarsiaqartinneqarsinnaavoq.

Aalajangersagaq borgmesterip tullersortaanut tullersortillu aappaanut atuutsinneqarpoq. Taamaalluni borgmesterip tullersortaa tullersortillu aappaa ullormit siullermit borgmesteritut atuunnerannit atorfillitut akissarsiaqartinneqassapput.

Kommunalbestyrelsit aalajangersakkamik taassuminnga eqquutsitsinissamut akisussaasuupput.

Inussiarnersumik inuulluaqqusillunga


Kim Kielsen